



**ՆԱԻՐԻ**  
ինչուրանս

ՀԱՍՏԱՏՎԱԾ Է  
«ՆԱԻՐԻ ԻՆՇՈՒՐԱՆՍ» ԱՊԱՀՈՎԱԳՐԱԿԱՆ ՍՊԸ  
Խորհրդի 30.10.2023թ.-ի թիվ 54 որոշմամբ  
(Ուժի մեջ է 01.11.2023թ.-ից)

## ՀՀ ԱՅՑԵԼՈՂՆԵՐԻ ԱԶԱԿՑՈՒԹՅԱՆ ԱՊԱՀՈՎԱԳՐՈՒԹՅԱՆ ՊԱՅՄԱՆՆԵՐ

Փաստաթղթի կոդ՝ Պ750-02-05  
Խմբագրություն՝ 02  
Ակտիվի դաս՝ Հրապարակային

## **ԲԱԺԻՆ 1. ԸՆԴՀԱՆՈՒՐ ԴՐՈՒՅԹՆԵՐ**

- 1.1. ՀՀ այցելողների աջակցության ապահովագրության պայմանները (այսուհետ՝ Պայմաններ) մշակված են համաձայն ՀՀ քաղաքացիական օրենսգրքի, «Ապահովագրության և ապահովագրական գործունեության մասին» ՀՀ օրենքի (այսուհետ՝ Օրենք), այլ իրավական ակտերի (միասին այսուհետ՝ ՀՀ օրենսդրություն):
- 1.2. «ՆԱԻՐԻ ԻՆՇՈՒՐԱՆՍ» Ապահովագրական Սահմանափակ Պատասխանատվությամբ Ընկերությունը Հայաստանի Հանրապետության կենտրոնական բանկի կողմից տրված թիվ 0006 (0009) լիցենզիայի հիման վրա իրականացնում է «Աջակցության ապահովագրություն» դասի ապահովագրություն՝ սույն Պայմանների հիման վրա կնքելով ՀՀ այցելողների աջակցության ապահովագրության պայմանագիր կամ վկայագիր:

## **ԲԱԺԻՆ 2. ՕԳՏԱԳՈՐԾՎՈՂ ՀԱՄԿԱՑՈՒԹՅՈՒՆՆԵՐ**

- 2.1. **Ապահովագրող՝** «ՆԱԻՐԻ ԻՆՇՈՒՐԱՆՍ» ԱՊԱՀՈՎԱԳՐԱԿԱՆ ՍՊԸ.
- 2.2. **Ապահովադիր՝** Ապահովագրողի հետ ապահովագրության պայմանագիր կամ վկայագիր կնքած անձ.
- 2.3. **Պայմանագիր՝** սույն Պայմանների հիման վրա կնքված ապահովագրության պայմանագիր կամ վկայագիր.
- 2.4. **Ապահովագրված անձ՝** Ապահովադրի կողմից Պայմանագրում նշված և իր մշտական բնակության վայրից հեռու գտնվող անձ, ում հետ կապված ապահովագրական պատահարի առաջացումը հանդիսանում է Պայմանագրի առարկա: Ապահովագրված անձը հանդիսանում է շահառու, ով իրավունք ունի ստանալ ապահովագրական հատուցում.
- 2.5. **Ապահովագրական գումար՝** Ապահովագրողի կողմից վճարման ենթակա բոլոր հնարավոր ապահովագրական հատուցումների առավելագույն չափ.
- 2.6. **Ապահովագրական սակագին՝** Ապահովագրական գումարի նկատմամբ ապահովագրավճարի դրույքաչափ՝ տոկոսային արտահայտությամբ.
- 2.7. **Ապահովագրավճար՝** Պայմանագրով սահմանված չափով Ապահովադրի կողմից Ապահովագրողին հնարավոր ապահովագրական հատուցման համար վճարվելիք գումար.
- 2.8. **Չհատուցվող գումար (ֆրանշիզա)՝** Ապահովադրի մասնակցության չափը վնասի հատուցմանը, որը սահմանվում է Պայմանագրով կոնկրետ գումարի կամ Ապահովագրական գումարի նկատմամբ տոկոսի տեսքով: Պայմանագրով կարող է սահմանվել պայմանական կամ ոչ պայմանական չհատուցվող գումար.
  - 2.8.1. Պայմանագրում պայմանական չհատուցվող գումար սահմանված լինելու դեպքում Ապահովագրողն ազատվում է փաստացի վնասների կամ կորուստների հատուցման պարտականությունից, եթե այդ վնասի չափը չի գերազանցում Պայմանագրով սահմանված չհատուցվող գումարի չափը, և պարտավոր է վճարել Ապահովագրական հատուցումն ամբողջությամբ, եթե դրա մեծությունը գերազանցում է չհատուցվող գումարի չափը.
  - 2.8.2. Պայմանագրում ոչ պայմանական չհատուցվող գումար սահմանված լինելու դեպքում Ապահովագրողն ազատվում է Պայմանագրով սահմանված ոչ պայմանական չհատուցվող գումարի մասով հատուցում իրականացնելուց՝ անկախ վնասի և կորուստի չափից.
- 2.9. **Ապահովագրության տարածք՝** Հայաստանի Հանրապետություն և Լեռնային Ղարաբաղի Հանրապետություն.
- 2.10. **Ապահովագրական պատահար՝** Ապահովագրված անձի հանկարծակի հիվանդությունը, նրա հետ տեղի ունեցած դժբախտ պատահարը, ինչպես նաև դրանց հետևանքով առաջացած մահը, որոնք տեղի

են ունեցել Ապահովագրության տարածքում՝ Պայմանագրի գործողության ընթացքում, և որի ի հայտ գալու դեպքում Ապահովագրողը պարտավորվում է իրականացնել ապահովագրական հատուցում.

- 2.11. **Հանկարծակի հիվանդություն**՝ հիվանդություն, որն ի հայտ է եկել հանկարծակիորեն Պայմանագրի գործողության ընթացքում և պահանջում է անհապաղ բժշկական միջամտություն.
- 2.12. **Դժբախտ պատահար**՝ Պայմանագրի գործողության ընթացքում Ապահովագրված անձի կամ քից անկախ տեղի ունեցած հանկարծակի, պատահական, անսպասելի, կարճաժամկետ (մինչև մի քանի ժամ տևողությամբ), ոչ կենսաբանական, արտաքին ազդեցություն ունեցող իրադարձություն (դեպք), որի հետևանքով առաջանում է Ապահովագրված անձի մարմնական վնասվածք, սուր թունավորում, աշխատունակության ժամանակավոր և (կամ) մշտական կորուստ և (կամ) մահ:

### **ԲԱԺԻՆ 3. ԱՊԱՀՈՎԱԳՐՈՒԹՅԱՆ ՕԲՅԵԿՏ**

- 3.1. Ապահովագրության օբյեկտն Ապահովագրված անձի գույքային շահերն են՝ կապված Ապահովագրության տարածքում Ապահովագրական պատահարի տեղի ունենալու հետ:
- 3.2. Սույն Պայմանների համաձայն կարող է ապահովագրվել Պայմանագրի կնքման պահին մինչև 85 (ութսունհինգ) տարեկան (ներառյալ) ֆիզիկական անձը, սակայն 65-ից 85 տարեկան անձը համարվում է ապահովագրված միայն Պայմանների 4.1.2 ենթակետով սահմանված ծախսերի ռիսկով:

### **ԲԱԺԻՆ 4. ԱՊԱՀՈՎԱԳՐԱԿԱՆ ՊԱՏԱՀԱՐՆԵՐ ԵՎ ՌԻՍԿԵՐ**

- 4.1. Համաձայն սույն Պայմանների՝ Ապահովագրողը հատուցում է հետևյալ ծախսերը.
  - 4.1.1. անհետաձգելի (շտապ) բժշկական ծառայության ծախսերը, որոնք ցուցված են բժշկի կողմից և ներառում են.
    - 4.1.1.1. շտապ և անհետաձգելի բժշկական օգնության ծախսերը,
    - 4.1.1.2. հիվանդանոցային բուժման ծախսերը (ներառյալ՝ Ապահովագրված անձին բուժող բժշկի կողմից նշանակված/կատարված ախտորոշիչ հետազոտությունների, միջամտությունների, շտապ վիրահատությունների և նշանակված դեղորայքի, վիրակապական և ֆիքսող պարագաների (գիպս, բանդաժ և այլն), հիվանդասենյակի ծախսերը): Հիվանդասենյակի ծախսի հատուցման առավելագույն չափն է՝ օրական մինչև 10.000 (տասը հազար) ՀՀ դրամ՝ առավելագույնը 10 օր,
    - 4.1.1.3. արտահիվանդանոցային բուժման ծախսերը (ներառյալ՝ Ապահովագրված անձին բուժող բժշկի կողմից նշանակված/կատարված ախտորոշիչ հետազոտությունների, նշանակված դեղորայքի, վիրակապական և ֆիքսող պարագաների (գիպս, բանդաժ և այլն) ծախսեր),
    - 4.1.1.4. ատամնացավի դեպքում շտապ բժշկական միջամտություն պահանջող ծախսերը՝ մինչև 40.000 (քառասուն հազար) ՀՀ դրամի չափով Պայմանագրի գործողության ողջ ընթացքի համար,
    - 4.1.1.5. Ապահովագրված անձին բուժող բժշկի կողմից ցուցված դեղամիջոցների և բժշկական պարագաների գծով ծախսերը,
    - 4.1.1.6. բժիշկ-մասնագետի հրավիրման հետ կապված ծախսերը, որը հատուցվում է այն դեպքում, երբ տվյալ տարածքում գտնվող բժիշկների կողմից բուժումն իրականացնելն անհնար է, և մինչև սույն ժամանակ անհնար է կամ բժշկի կողմից հակացուցվում է Ապահովագրված անձի տեղափոխումն այլ տարածք,
  - 4.1.2. Ապահովագրական պատահարի ժամանակ առաջացած բուժօրանսպորտային ծառայությունների ծախսերը, որոնք ներառում են.
    - 4.1.2.1. Ապահովագրված անձին Ապահովագրական պատահարի վայրից շտապ (անհետաձգելի) բժշկական օգնություն տրամադրելու համար տրանսպորտային միջոցով (բացառությամբ օդային) մոտակա բժշկական հաստատություն տեղափոխելու ծախսը,
    - 4.1.2.2. Ապահովագրված անձին բուժող բժշկի ցուցմամբ տրանսպորտային միջոցով (բացառությամբ օդային) այլ բժշկական հաստատություն տեղափոխելու ծախսը,

- 4.1.2.3. Ապահովագրված անձին բուժող բժշկի ցուցմամբ Ապահովագրված անձի հայրենադարձման ծախսերը, որոնք ներառում են վերջինիս՝ դեպի իր բնակության վայր հետադարձ ավիատոմսի ամսաթվի փոփոխման ծախսը՝ ավիատոմսի առկայության դեպքում, հակառակ դեպքում՝ նոր էկոնոմ դասի ավիատոմսի արժեքը:
- 4.1.3. Դժբախտ պատահարի և Հանկարծակի հիվանդության հետևանքով կատարված հետևյալ ծախսերը.
  - 4.1.3.1. Ապահովագրված անձի հարազատներից որևէ մեկի էկոնոմ դասի երկկողմանի ավիատոմսի ծախսը դեպի Ապահովագրության տարածք, եթե Ապահովագրված անձը գտնվում է այնպիսի վիճակում, որի դեպքում, համաձայն բժշկի ցուցման, նա ունի խնամողի կարիք և վերջինիս հետ չկա նման գործողություններն իրականացնող անձ,
  - 4.1.3.2. Ապահովագրված անձի խնամքի տակ և Ապահովագրության տարածքում գտնվող մինչև 18 տարեկան երեխաների վերադարձը նրանց մշտական բնակության վայր՝ ապահովելով էկոնոմ դասի ավիատոմսեր կամ արդեն իսկ առկա ավիատոմսերի ամսաթվի փոփոխման հետ կապված ծախսը՝ անհրաժեշտության դեպքում ապահովելով ուղեկցող մինչև մոտակա օդանավակայան: Սա իրականացվում է այն դեպքում, երբ Ապահովագրված անձը գտնվում է այնպիսի առողջական վիճակում, որը թույլ չի տալիս իր հետ և իր խնամքի տակ գտնվող երեխաների նկատմամբ իրականացնել խնամք կամ եթե Ապահովագրված անձը մահացել է, և երեխաները մնացել են առանց խնամողի,
  - 4.1.3.3. Ապահովագրական պատահարի հետևանքով Ապահովագրված անձի մահվան դեպքում վերջինիս աճյունի վերադարձը նրա մշտական բնակության վայր:
  - 4.1.3.4. Պայմանների 4.1.3.3 ենթակետով սահմանված դեպքում մշտական բնակության վայրից տարբերվող այլ վայր տեղափոխելու դեպքում, ապահովագրական հատուցում է կատարվում այն գումարի չափով, որը կվճարվեր, եթե աճյունը տեղափոխելին մշտական բնակության վայր:
- 4.1.4. ծախսեր, որոնք Ապահովադիրն (Ապահովագրված անձն) իրականացրել է՝ Ապահովագրական պատահարի մասին Ապահովագրողին տեղեկացնելիս: Այս դեպքում Ապահովագրողին պետք է ներկայացվեն համապատասխան ծախսերը հավաստող փաստաթղթերը:
- 4.2. Սույն Պայմանների իմաստով՝ Դժբախտ պատահար է համարվում հանկարծակի սուր թունավորումը՝ քիմիական նյութերով և կենսաբանական ծագման թույլերով (այդ թվում նաև բոտուլիզմը, գեմատոգենային օստեոմիելոիտը): Նշված իրադարձությունները ճանաչվում են Ապահովագրական պատահար այն դեպքում, երբ դրանք ստանալուց կամ զարգանալուց հետո 5 (հինգ) օրվա ընթացքում Ապահովագրված անձը դիմել է բուժօգնություն ստանալու համար, եթե դրանք տեղի են ունեցել Պայմանագրի գործողության ընթացքում և Ապահովագրված անձի առողջությանը պատճառել են Պայմանագրով սահմանված վնաս:
- 4.3. Սույն Պայմաններով ապահովագրական հատուցումը վճարվում է Ապահովագրված անձին, եթե նա, հետևելով սույն Պայմանների պահանջներին, ինքնուրույն է իրականացրել ծախսերը, կամ համապատասխան բժշկական հաստատությանը:

## **ԲԱԺԻՆ 5. ՀԻՄՆԱԿԱՆ ԲԱՑԱՌՈՒԹՅՈՒՆՆԵՐ**

- 5.1. Ապահովագրական պատահար չի հանդիսանում և Ապահովագրողը չի հատուցում՝
  - 5.1.1. Ապահովադրի (Ապահովագրված անձի) կանխամտածված կամ անօրինական գործողությունների հետևանքով առաջացած ծախսերը,
  - 5.1.2. թմրադեղերի, թունաքիմիկատների, ոգելից խմիչքի, հոգեմետ և այլ սոքսիկ նյութերի օգտագործման,
  - 5.1.3. առողջական խանգարումները չբուժելու, բժշկի ցուցումներին ոչ պատշաճ հետևելու, ինչպես նաև բուժումն ուշացնելու պատճառով առաջացած վնասվածքների բարդացման և (կամ) դրա հետևանքով նոր վնասվածքների հետևանքով առաջացած ծախսերը,

- 5.1.4. վարակներից առաջացած առողջական խանգարումների հետևանքով առաջացած ծախսերը՝ բացառությամբ, եթե վարակները հետևանք են Դժբախտ պատահարի,
- 5.1.5. տարբեր տեսակի փորձարկումների, մրցումների, մրցույթների, պարապմունքների, վտանգավոր աշխատանքների, վտանգավոր սպորտով, հոբբիով կամ զվարճանքերով զբաղվելու (լեռնագնացություն, սուզում, օդապարհիկով թռիչք, դայվինգ, պարաշյուտիզմ, սբեյթբորդինգ, սնոուբորդինգ, մաունթինբայկ, ժայռամագլցում, սպորտային տուրիզմ և այլն) ժամանակ ստացած վնասվածքների հետևանքով առաջացած ծախսերը, եթե Պայմանագրով այլ բան նախատեսված չէ,
- 5.1.6. քաղաքացիական հուզումների, պատերազմների, գորաշարժերի կամ ռազմական այլ գործողությունների, ահաբեկչական գործողությունների, զանգվածային ակցիաների, գործադուլների ուղղակի կամ անուղղակի մասնակցության հետևանքով առաջացած ծախսերը,
- 5.1.7. միջուկային պայթյունի, ճառագայթման, ռադիոակտիվ վարակի, քիմիական կամ կենսաբանական զենքի ազդեցության հետևանքով առաջացած ծախսերը,
- 5.1.8. ոչ ավանդական բժշկական բուժման ծախսերը,
- 5.1.9. առանց բժշկի ցուցումների իրականացված ընդհանուր բուժզննումների և խորհրդատվությունների հետ կապված ծախսերը,
- 5.1.10. պրոթեզի և (կամ) պրոթեզավորման, էնդոպրոթեզի և (կամ) էնդոպրոթեզավորման, օրթոպեդիկ կոշիկների, բարձերի, արհեստական ոսայցյակների, սայլակների, լսողական սարքերի, ակնոցների, այդ թվում կոնտակտային լինզաների հետ կապված ծախսերը,
- 5.1.11. կենսաակտիվ հավելումների, վիտամինոմոնոթերապիայի, կոսմետիկ և հիգիենայի պարագաների հետ կապված ծախսերը,
- 5.1.12. ժառանգական և զենետիկ նախատրամադրվածություն ունեցող հիվանդությունների՝ պարբերական հիվանդության, էպիլեպսիայի և այլնի, բնածին արատների, անատոմիական զարգացման առանձնահատկությունների (դրանց բարդությունների), ողնաշարի միջողնային սկավառակների ախտահարումների, կեցվածքի խախտումների, դեգեներատիվ դիստրոֆիկ փոփոխությունների (օրինակ՝ օստեոխոնդրոզ) հետ կապված ծախսերը,
- 5.1.13. մշտական և (կամ) պահպանողական բուժում և դինամիկ հսկողություն պահանջող տարիքային փոփոխությունների հետ կապված ծախսերը,
- 5.1.14. հոգեկան հիվանդությունների և շեղումների, ներզոհների (ասթենո-ներտիկ համախտանիշ, վեգետո-անոթային դիստոնիա և այլն), հոգեթերապևտի ծառայությունների հետ կապված ծախսերը,
- 5.1.15. վարակային այնպիսի հիվանդությունների վերաբերյալ խորհրդատվության, հետազոտման և բուժման ծախսերը, որոնք փոխանցվում են առավելապես սեռական ճանապարհով՝ ձեռքբերովի իմունային անվաբարարության համախտանիշ (ՁԻԱՀ), ՁԻԱՀ-ի չամակցված չամալիբ (ՁՀՀ), մարդու իմունային անբավարարության վարակ (ՄԻԱՎ), գոնորեա, սիֆիլիս, խլամիդիոզ, միկոպլազմոզ, տրիխոմոնիազ, ցիտոմեգալովիրուս, ուրեոպլազմոզ, գարդներելիոզ, անալ, զենիտալ հերպես և այլն,
- 5.1.16. օդակաթիլային վարակիչ հիվանդությունների բուժման ծախսերը,
- 5.1.17. բացիլակրության, վիրուսակրության, ճիճվակրության, սուրբերկուլյոզի, միկոզների, դիաբետայի հետ կապված ծախսերը,
- 5.1.18. աուտոիմուն հիվանդությունների, շարակցական հյուսվածքի համակարգային հիվանդությունների (համակարգային կարմիր գայլախտ, ռևմատիդ արթրիտ, դերմատոմիոզիտ և այլն), համակարգային վասկուլիտների (հանգուցավոր պերիարտերիիտ, հեմոռագիկ վասկուլիտ և այլն), քրոնիկական արթրոզների, պտրիազի, էկզեմայի հետ կապված ծախսերը,
- 5.1.19. քրոնիկական երիկամային անբավարարության հետ կապված ծախսերը,
- 5.1.20. նյարդային համակարգի դեմիելինիզացնող հիվանդությունների հետ կապված ծախսերը,

- 5.1.21. արտահայտված էնդոկրինոպաթիաների, շաքարային դիաբետի և դրա բարդությունների հետ կապված ծախսերը,
- 5.1.22. պլանային հետազոտությունների հետ կապված ծախսերը,
- 5.1.23. պլաստիկ և վերականգնողական վիրաբուժական և (կամ) կոնսերվատիվ բուժման, պրոթեզավորման, քթի միջնապատի դեֆորմացիաների շտկման և բարդությունների վիրահատական բուժման (բացառությամբ այն դեպքերի, եթե դրանց իրականացման անհրաժեշտությունը առաջացել է Ապահովագրական պատահարի արդյունքում և բուժումը կատարվում է վնասված օրգանի ֆունկցիոնալ վերականգնման նպատակով) հետ կապված ծախսերը,
- 5.1.24. կոսմետիկ և հոգեբանական վիճակը բարելավելու նպատակով կատարված հետազոտման, դրանց բուժման կամ միջամտությունների ծախսերը (այդ թվում՝ պապիլոմաների, պոլիպների, գորտնուկների խալերի և այլ էլեմենտների հեռացում),
- 5.1.25. տեսողության՝ դեղորայքային և վիրաբուժական (էքսիմեր) շտկման, քաշի դեղորայքային և վիրաբուժական շտկման հետ կապված ծախսերը,
- 5.1.26. վերարտադրողական ֆունկցիայի խանգարման, և դրա հետ կապված հետազոտման և (կամ) բուժման (օրինակ՝ սեռական հորմոնալ դիսֆունկցիա, դիսմենորեա, դրանց ախտորոշում և բուժում), հակաբեղմնավորիչ միջոցների, ֆիզիոթերապիայի և (կամ) վերականգնողական բուժման հետ կապված ծախսերը,
- 5.1.27. Ապահովագրված անձի ինքնասպանության փորձի, ինքնավնասման հետևանքով առաջացած ծախսերը (բացառությամբ այն դեպքերի, երբ Ապահովագրված անձը վերոհիշյալ գործողությունը կատարել է երրորդ անձանց պարտադրանքով),
- 5.1.28. Ապահովագրված անձի կողմից իր բուժող բժշկի չնշանակած կամ նշանակածից ավել դեղորայքի գծով կատարված ծախսերը,
- 5.1.29. հանգստավայրերում, առողջարանային համալիրներում, հանգստյան տներում և պանսիոնատներում իրականացված ծախսերը,
- 5.1.30. հղիության կամ ծննդաբերության հետ կապված ծախսերը (բացառությամբ Ապահովագրված անձի կյանքի փրկման հետ կապված բժշկական օգնության),
- 5.1.31. քաղցկեղի հետ կապված ցանկացած ծախսը,
- 5.1.32. քրոնիկ հիվանդությունների և դրանց հետևանքների հետ կապված ծախսերը,
- 5.1.33. մինչև Պայմանագիրը կնքելն Ապահովագրված անձի մոտ առկա հիվանդության, առողջական վիճակի հետևանքով առաջացած ծախսերը,
- 5.1.34. ատամնաբուժական ծառայությունների ծախսերը, բացառությամբ ատամի և ատամը շրջապատող հյուսվածքի սուր բորբոքման հետևանքով իրականացված զննումը, շտապ բուժումը և դեղորայքի ծախսերը, ինչպես նաև Դժբախտ պատահարի հետևանքով ատամի վնասվածքը,
- 5.1.35. սրտամկանի և սրտամկանը սնուցող անոթների ինվազիվ միջամտության և վիրահատության հետ կապված ծախսերը,
- 5.1.36. տարափոխիկ հիվանդությունների, կենտրոնական նյարդային համակարգի ֆունկցիոնալ խանգարումների և հոգեկան հիվանդությունների կանխման և բուժման ծախսերը,
- 5.1.37. ճամփորդական դիարեայի բուժման ծախսերը,
- 5.1.38. հիվանդանոցային և արտահիվանդանոցային ձևով իրականացվող այն հետազոտությունները (այդ թվում նաև խորհրդատվությունը և լաբորատոր հետազոտությունները), որոնց չի հաջորդում տվյալ հիվանդության հիվանդանոցային բուժումը,
- 5.1.39. արևային այրվածքների և ուլտրամանուշակագույն ճառագայթների հետևանքով առաջացած առողջական խանգարումների հետևանքով առաջացած ծախսերը,
- 5.1.40. տարերային աղետների հետևանքով առաջացած վնասները,
- 5.1.41. Ապահովագրության տարածքից հեռանալուց հետո կատարված ծախսերը,

- 5.1.42. ախտորոշման և բուժման համար պարտադիր չհանդիսացող ծախսերը,
- 5.1.43. լրացուցիչ հարմարությունների հետ կապված ծախսերը, այդ թվում՝ հիվանդասենյակում հեռուստացույցի, օդորակիչի, հեռախոսի, թարգմանչի, մերսման, վարսավիրի ծառայությունների և այլն,
- 5.1.44. վնասները կանխելու միջոցառումներ չիրականացնելու հետևանքով առաջացած նոր ծախսերը՝ բացառությամբ, եթե դա հնարավոր չի եղել իրականացնել:
- 5.2. Ապահովագրական հատուցում չի իրականացվում նաև այն դեպքում, երբ՝
  - 5.2.1. Պայմանագիրը կնքելու պահին Ապահովադիրն Ապահովագրողին հայտնել է ապահովագրական ռիսկի վրա ազդող կեղծ տեղեկություններ կամ եթե տեղի է ունեցել ռիսկի մեծացում Պայմանագրի գործողության ընթացքում, և այդ մասին չի տեղեկացվել Ապահովագրողին,
  - 5.2.2. Ապահովագրված անձը չի պահպանել վարակիչ հիվանդությունների պրոֆիլակտիկայի միջազգային բժշկական պահանջները, ինչը և պատճառ է հանդիսացել Ապահովագրական պատահարի տեղի ունենալուն,
  - 5.2.3. Ապահովագրական պատահարի տեղի ունենալու ժամանակ Ապահովագրված անձը գտնվել է որևէ օդային փոխադրամիջոցում որպես օդաչու,
  - 5.2.4. Ապահովագրված անձի խնամողների՝ բարեկամների, հարազատների համար կատարված ծախսերը,
  - 5.2.5. Ապահովագրական պատահարի տեղի ունենալու ժամանակ Ապահովագրված անձը հանդիսացել է ավտոտրանսպորտային միջոցի վարորդ և չի ունեցել տվյալ տեսակի ավտոտրանսպորտային միջոց վարելու իրավունք,

## **ԲԱԺԻՆ 6. ԱՊԱՀՈՎԱԳՐԱԿԱՆ ԳՈՒՄԱՐ**

- 6.1. Ապահովագրական գումարը սահմանվում է Պայմանագրով Ապահովագրողի և Ապահովադրի համաձայնությամբ:
- 6.2. Ապահովագրական գումարն ինքնաշխատ կերպով նվազում է իրականացված ապահովագրական հատուցման չափով:
- 6.3. Ապահովադիրը կարող է հանդես գալ Ապահովագրական գումարը մեծացնելու պահանջով՝ վճարելով համապատասխան չափով Ապահովագրավճար:
- 6.4. Պայմանագրով կարող է սահմանվել յուրաքանչյուր ապահովագրական հատուցման իրականացման կամ առանձին տեսակի վնասվածքների համար իրականացվող ապահովագրական հատուցման առավելագույն սահմանաչափեր՝ յուրաքանչյուր պատահարի համար:

## **ԲԱԺԻՆ 7. ԱՊԱՀՈՎԱԳՐԱՎՃԱՐ, ՎՃԱՐՄԱՆ ԿԱՐԳ, ԶՎՃԱՐՄԱՆ ՀԵՏԵՎԱՆՔՆԵՐ**

- 7.1. Ապահովագրավճարի վճարման կարգը և ձևը որոշվում են Կողմերի փոխադարձ համաձայնությամբ և սահմանվում են Պայմանագրով:
- 7.2. Ապահովագրավճարն Ապահովադրի կողմից կարող է վճարվել միանվագ (միանգամյա վճարումով) կամ մաս-մաս՝ Պայմանագրով սահմանված կարգով:
- 7.3. Եթե Պայմանագրի ուժի մեջ մտնելու պահից 14-օրյա ժամկետում Ապահովադիրը չի վճարում միանվագ կամ առաջին հերթական Ապահովագրավճարը, ապա Ապահովագրողն իրավունք ունի միակողմանի լուծելու Պայմանագիրը, եթե Պայմանագրով նախատեսված չէ այլ ժամկետ կամ Ապահովագրավճարի մուծման տարաժամկետման հնարավորություն:
- 7.4. Եթե Ապահովադիրը Պայմանագրով սահմանված կարգով և ժամկետում չի վճարել միանվագ կամ հերթական Ապահովագրավճարը, ապա Ապահովագրողն իրավունք ունի Ապահովագրավճարի վճարման համար սահմանված ժամկետից 5 (հինգ) օր հետո միակողմանի լուծելու Պայմանագիրը:

Այս դեպքում Ապահովադրի կողմից Պայմանագրի համար վճարված Ապահովագրավճարը չի վերադարձվում:

**ԲԱԺԻՆ 8. ՊԱՅՄԱՆԱԳԻՐ, ՊԱՅՄԱՆԱԳՐԻ ԿՆՔՄԱՆ ԿԱՐԳ, ԺԱՄԿԵՏ, ԴՐՈՒՅԹՆԵՐԻ ՓՈՓՈԽՄԱՆ ԿԱՐԳ**

- 8.1. Պայմանագիրն Ապահովագրողի և Ապահովադրի միջև կնքված փաստաթուղթ է, ըստ որի Ապահովագրողն Ապահովագրավճարի դիմաց պարտավորվում է Պայմանագրով և սույն Պայմաններով սահմանված կարգով Ապահովադրին (Ապահովագրված անձին) տրամադրել ապահովագրական հատուցում:
- 8.2. Պայմանագիրը կնքվում է գրավոր՝ Ապահովադրի կողմից բանավոր կամ գրավոր դիմումի հիման վրա:
- 8.3. Սույն Պայմանները կցվում են Պայմանագրին՝ հանդիսանալով դրա անբաժանելի մասը և պարտադիր են Կողմերի համար:
- 8.4. Պայմանագիրը կնքելու համար Ապահովագրողն իրավունք ունի Ապահովադրից պահանջել.
  - 8.4.1. ֆիզիկական անձի դեպքում՝ անձնագրի բնօրինակը կամ պատշաճ վավերացված պատճենը, իրավաբանական անձի դեպքում՝ պետական գրանցման վկայականի և դրա ներդիրների բնօրինակները կամ պատշաճ վավերացված պատճենները,
  - 8.4.2. Ապահովագրված անձի անձնագրի բնօրինակը կամ պատշաճ վավերացված պատճենը,
  - 8.4.3. տրամադրել գրավոր տեղեկություն, որն ուղղակի կամ անուղղակի կարող է որոշակի ազդեցություն ունենալ Ապահովագրողի կողմից Ապահովագրական պատահարի տեղի ունենալու հավանականության և դրա հետևանքով հնարավոր վնասների չափերի կանխորոշման վրա, ինչպես նաև այլ փաստաթղթեր և տեղեկատվություն, որոնք անհրաժեշտ են ապահովագրական ռիսկի ճշգրիտ գնահատման, ինչպես նաև Պայմանագրի կնքման համար:
- 8.5. Պայմանագրի գործողության ժամկետը սահմանվում է Պայմանագրով՝ Կողմերի փոխադարձ համաձայնությամբ:
- 8.6. Պայմանագիրը կնքվում է նվազագույնը 1 (մեկ) օր, իսկ առավելագույնը 1 (մեկ) տարի ժամկետով:
- 8.7. Պայմանագիրն ուժի մեջ է մտնում Պայմանագիրը երկկողմանի ստորագրելու և կնքելու պահից, եթե այլ բան նախատեսված չէ Պայմանագրով:
- 8.8. Պայմանագրի և սույն Պայմանների միջև անհամապատասխանությունների դեպքում գերակա է Պայմանագիրը, իսկ սույն Պայմանների և նրա թարգմանությունների տարբերակների դեպքում նախապատվությունը տրվում է հայերեն տարբերակին:

**ԲԱԺԻՆ 9. ՊԱՅՄԱՆԱԳՐԻ ԿՈՂՄԵՐԻ ԻՐԱՎՈՒՆՔՆԵՐ ՈՒ ՊԱՐՏԱԿԱՆՈՒԹՅՈՒՆՆԵՐ**

- 9.1. Ապահովադիրն իրավունք ունի՝
  - 9.1.1. Ապահովագրողից պահանջել պետական գրանցումը և գործունեության թույլտվությունը հավաստող փաստաթղթերը (պետական գրանցման վկայական, լիցենզիա),
  - 9.1.2. Ապահովագրողի հետ իր հարաբերություններն իրականացնել ապահովագրական միջնորդի (բրոքերի կամ գործակալի) միջոցով,
  - 9.1.3. Պայմաններով սահմանված կարգով վաղաժամկետ լուծել Պայմանագիրը:
- 9.2. Ապահովադիրը և (կամ) Ապահովագրված անձը պարտավոր է՝
  - 9.2.1. Ապահովագրողին հաղորդել ապահովագրական ռիսկի աստիճանը որոշող հավաստի և ճշգրիտ իրեն հայտնի բոլոր տեղեկությունները,
  - 9.2.2. Ապահովագրողին հայտնել նույն ռիսկերն այլ ապահովագրության պայմանագրերով/վկայագրերով ապահովագրված լինելու մասին,
  - 9.2.3. Պայմանագրով սահմանված կարգով և ժամկետում վճարել Ապահովագրավճարը,
  - 9.2.4. Պատահար տեղի ունենալու դեպքում անհապաղ պատահարի մասին հայտնել Ապահովագրողին,



- 9.2.5. Ապահովագրական պատահար տեղի ունենալու ժամանակ իրականացնել միջոցառումներ՝ վնասի մեծացման չափը կանխելու նպատակով,
- 9.2.6. Պայմանների մասին տեղեկացնել Ապահովագրված անձին,
- 9.2.7. Պայմանագրի գործողության ընթացքում Ապահովագրողին անհապաղ տեղեկացնել այնպիսի հանգամանքների մասին, որոնք ուղղակիորեն կամ անուղղակիորեն կարող են ազդել ապահովագրական ռիսկի աստիճանի որոշման վրա,
- 9.2.8. ապահովել Ապահովագրողին իրեն հայտնի այն տեղեկատվությամբ, որն անհրաժեշտ է Ապահովագրական պատահարի հետ կապված հանգամանքները պարզելու համար, ինչպես նաև չխոչընդոտել նման տեղեկություններն Ապահովագրողի կողմից ձեռք բերելուն, դրանց ծանոթանալու գործընթացին:
- 9.3. Ապահովագրողն իրավունք ունի՝
- 9.3.1. ստուգել Ապահովադրի կողմից ներկայացված տեղեկությունները, ինչպես նաև հետևել և պահանջել Ապահովադրի կողմից Պայմանագրի պահանջների և պայմանների կատարումը,
- 9.3.2. Պայմանագրի կնքելուց առաջ պահանջել համապատասխան փաստաթղթեր,
- 9.3.3. Ապահովադրի հետ իր հարաբերություններն իրականացնել ապահովագրական միջնորդի (բրոքերի կամ գործակալի) միջոցով,
- 9.3.4. հետաքննել Ապահովագրական պատահարի հանգամանքները,
- 9.3.5. իրավասու պետական մարմիններից կամ պատահարի առաջացման հանգամանքներին ծանոթ այլ անձանցից ինքնուրույն պարզել պատահարի առաջացման պատճառները և հանգամանքները, ինչպես նաև հավաքագրել Ապահովագրական պատահարի հետ կապված տվյալներ,
- 9.3.6. ապահովագրական հատուցման, ինչպես նաև մերժման վերաբերյալ որոշում կայացնելու համար կասեցնել կամ երկարաձգել ապահովագրական հատուցման գործընթացը, եթե ի հայտ են եկել այնպիսի հանգամանքներ, որոնց պատճառով Ապահովագրողն անհրաժեշտ է համարում ստանալ հավելյալ տեղեկություն Ապահովագրական պատահարի վերաբերյալ՝ դրա մասին գրավոր ծանուցելով Ապահովադրին (Ապահովագրված անձին),
- 9.3.7. պահանջել Պայմանագրով սահմանված Ապահովագրավճարի չափի փոփոխություն, Պայմանագրի դադարեցում կամ Պայմանագրի դրույթների փոփոխություն, եթե Պայմանագրի գործողության ընթացքում տեղի է ունեցել ապահովագրական ռիսկի մեծացում,
- 9.3.8. մերժել ապահովագրական հատուցման իրականացումը, եթե Ապահովադիրը (Ապահովագրված անձը) չի կատարել կամ ոչ պատշաճ է կատարել սույն Պայմաններով սահմանված իր պարտավորությունները,
- 9.3.9. մերժել ապահովագրական հատուցման վճարումը ՀՀ օրենսդրությամբ, Պայմանագրով կամ Պայմաններով սահմանված կարգով:
- 9.4. Ապահովագրողը պարտավոր է՝
- 9.4.1. Ապահովադրի պահանջով ցույց տալ պետական գրանցումը և ապահովագրությամբ զբաղվելու թույլտվությունը (լիցենզիան) հավաստող փաստաթղթերը,
- 9.4.2. Ապահովադրին ծանոթացնել Պայմաններին և տրամադրել դրա օրինակը,
- 9.4.3. Ապահովադրին տրամադրել Պայմանագրի օրինակը,
- 9.4.4. Պայմանագրով և Պայմաններով սահմանված դեպքերում, կարգով և ժամկետում իրականացնել ապահովագրական հատուցում:
- 9.5. Պայմանագրի կողմերը և Ապահովագրված անձը պարտավոր են չհրապարակել, չբացահայտել և (կամ) երրորդ անձին չտրամադրել իրենց հայտնի դարձած բժշկական, ֆինանսական և ապահովագրական գաղտնիք հանդիսացող և (կամ) պարունակող ցանկացած տեսակի տեղեկություն՝ բացառությամբ ՀՀ օրենսդրությամբ նախատեսված դեպքերի, և իրենց հայտնի դարձած տեղեկությունը չօգտագործել ի օգուտ սեփական և (կամ) երրորդ անձանց շահերին, ինչպես նաև միմյանց տնտեսական դիրքին վնաս հասցնելու համար:

9.6. Ապահովադիրն, Ապահովագրված անձն ու Ապահովագրողն ունեն ՀՀ օրենսդրությամբ սահմանված նաև այլ իրավունքներ ու պարտականություններ:

#### **ԲԱԺԻՆ 10. ԿՈՂՄԵՐԻ ՓՈՆԶԱՐԱԲԵՐՈՒԹՅՈՒՆՆԵՐՆ ԱՊԱՀՈՎԱԳՐԱԿԱՆ ՊԱՏԱՀԱՐԻ ԴԵՊՔՈՒՄ**

10.1. Պատահարի տեղի ունենալու դեպքում Ապահովադիրը և (կամ) Ապահովագրված անձը պարտավոր են.

10.1.1. Ապահովագրական պատահար տեղի ունենալուց հետո անհապաղ (առաջին իսկ հնարավորության դեպքում) դրա մասին հայտնել Ապահովագրողին և հետևել վերջինիս ցուցումներին: Սույն պարտականությունը չկատարելու դեպքում Ապահովագրողն իրավունք ունի չվճարել ապահովագրական հատուցում, եթե չապացուցվի, որ նա ժամանակին իմացել է Ապահովագրական պատահարի վրա հասնելու մասին կամ, որ այդ մասին Ապահովագրողի մոտ տեղեկությունների բացակայությունը չէր կարող ազդել ապահովագրական հատուցում վճարելու նրա պարտականության վրա,

10.1.2. Ապահովագրական պատահարի մասին անհապաղ (առաջին իսկ հնարավորության դեպքում) հայտնել համապատասխան իրավասու մարմիններին և ստանալ պատահարը տեղի ունենալու հանգամանքը հավաստող, ինչպես նաև պատահարի հետ կապված այլ փաստաթղթեր, բացառությամբ այն դեպքի, երբ Ապահովագրողը Ապահովադիրին (Ապահովագրված անձին) ազատել է սույն ենթակետում նշված պարտականությունները կատարելուց,

10.1.3. սույն Պայմանների 10.1.1 և 10.1.2 կետերը խախտելու դեպքում Ապահովագրված անձի կրած ծախսերը հատուցման ենթակա չեն,

10.1.4. Ապահովագրական պատահարի մասին Պայմանների 10.1.1 ենթակետով սահմանված կարգով Ապահովագրողին տեղեկացնելուց հետո առավելագույնը 3 (երեք) ամսվա ընթացքում ներկայացնել սույն Պայմաններով սահմանված փաստաթղթերը՝ ներկայացված ապահովագրական պահանջը կարգավորելու նպատակով, եթե ծախսերն իրականացվել են Ապահովագրված անձի կողմից ինքնուրույն: Սահմանված ժամկետում Ապահովագրողին չտեղեկացնելու կամ անհրաժեշտ փաստաթղթերը չներկայացնելու դեպքում Ապահովագրողն իրավունք ունի մերժելու Ապահովագրական հատուցման իրականացումը, բացառությամբ այն դեպքի, երբ Ապահովադիրը (Ապահովագրված անձը) ապացուցում է տեղեկացնելու անհնարիությունը,

10.1.5. Ապահովագրական պատահարի առաջացման համար երրորդ կողմից պատճառված վնասի (մի մասը կամ ամբողջությամբ) հատուցման դեպքում անմիջապես տեղեկացնել Ապահովագրողին, որի դեպքում Ապահովագրողին են վերադարձվում համապատասխան չափով վճարված ապահովագրական հատուցումը, իսկ հատուցումը վճարված չլինելու դեպքում այդքան մասով վճարում չի կատարվում,

10.1.6. Ապահովագրական պատահարի հետ կապված գործընթացներում այլ կողմերի հետ հարաբերություններում ապահովել իր իրավունքների և շահերի պատշաճ պաշտպանությունը:

10.2. Ապահովագրական պատահարի տեղի ունենալու դեպքում Ապահովագրողը պարտավոր է

10.2.1. Ապահովագրական պատահարի մասին տեղեկացվելուց հետո կազմակերպել Ապահովագրված անձին անհրաժեշտ և Պայմանագրով նախատեսված բժշկական, բժշկա-տրանսպորտային և այլ ծառայությունների տրամադրումը, իսկ Ապահովագրողը սույն Պայմաններով սահմանված կարգով բժշկական հաստատությանը կամ համապատասխան կազմակերպությանը վճարում է Ապահովագրված անձին մատուցված ծառայությունների համար:

10.2.2. Ապահովադիրի (Ապահովագրված անձի) պահանջով տրամադրել խորհրդատվություն հետագա իրականացվելիք գործողությունների վերաբերյալ,

10.2.3. Ապահովադիրից (Ապահովագրված անձից) ապահովագրական հատուցման դիմում ստանալուց հետո վերջինիս տեղեկացնել բացակայող և ապահովագրական պահանջի կարգավորման համար անհրաժեշտ փաստաթղթերի մասին,

10.2.4. իրականացնել ապահովագրական հատուցում՝ Պայմաններով սահմանված կարգով և ժամկետում:

## **ԲԱԺԻՆ 11. ԱՊԱՀՈՎԱԳՐԱԿԱՆ ՊԱՀԱՆՁԻ ԿԱՐԳԱՎՈՐՄԱՆ ԳՈՐԾԸՆԹԱՑ**

- 11.1. Ապահովագրական հատուցում ստանալու համար Ապահովագրողին պետք է ներկայացվեն հետևյալ փաստաթղթերը՝
- 11.1.1. Ապահովադրի (Ապահովագրված անձի) կողմից դիմում՝ հատուցում ստանալու վերաբերյալ,
  - 11.1.2. Ապահովագրված անձի օրգանիզմում ալկոհոլի, թմրադեղերի և հոգեմետ այլ նյութերի առկայության մասին փաստաթուղթը (եթե Ապահովագրողը գրավոր կերպով Ապահովադրին (Ապահովագրված անձին) չի ազատել նման պարտականությունից),
  - 11.1.3. Պայմանագրի բնօրինակը (Ապահովագրողի պահանջով)՝ ստորագրված Ապահովադրի կողմից,
  - 11.1.4. Ֆիզիկական անձ Ապահովադրի դեպքում՝ վերջինիս անձնագիրը (Ապահովագրողի պահանջով), իրավաբանական անձի դեպքում՝ պետական գրանցման վկայականը և դրա ներդիրները (Ապահովագրողի պահանջով),
  - 11.1.5. Ապահովագրված անձի անձնագիրը,
  - 11.1.6. Ապահովագրական պատահարի վերաբերյալ իրավասու մարմինների կողմից տրված և հաստատված համապատասխան փաստաթղթերը (Ապահովագրողի պահանջով),
  - 11.1.7. բժշկի (բժշկական հաստատության) կողմից նշանակված դեղորայքի ցանկն իր գներով, առողջական վիճակի մասին հաստատված տեղեկանքը, ախտորոշումը, նշանակված ցուցումները, ինչպես նաև հաստատված փաստաթուղթ, որը կհավաստի Ապահովագրված անձի կողմից տվյալ Ապահովագրական պատահարի գծով բժշկին (բժշկական հաստատությանը) դիմելը, դիմելու ամսաթիվը, մատուցված ծառայությունները, բուժման տևողությունը (եթե Ապահովագրողը գրավոր կերպով Ապահովադրին (Ապահովագրված անձին) չի ազատել նման պարտականությունից),
  - 11.1.8. կատարված ծախսերը հիմնավորող այլ փաստաթղթեր:
- 11.2. Ապահովագրված անձի մահվան դեպքում, եթե աճյունի տեղափոխումը իրականացվել է ոչ Ապահովագրողի կողմից, ապա այդ տեղափոխման ծախսերի դիմաց հատուցում ստանալու համար վերջինիս ժառանգները Ապահովագրողին պետք է ներկայացնեն հետևյալ փաստաթղթերը՝
- 11.2.1. Ապահովագրված անձի մահվան վկայականի բնօրինակը կամ նոտարական գրասենյակի կողմից հաստատված պատճենը,
  - 11.2.2. Ապահովագրված անձի մահվան պատճառների վերաբերյալ բժշկական տեղեկանքը (վկայականը),
  - 11.2.3. համապատասխան իրավասու մարմնի կողմից հաստատված ժառանգության իրավունքը հավաստող փաստաթուղթը կամ դրա պատճենը:
- 11.3. Բոլոր ներկայացվող փաստաթղթերը պետք է լինեն բնօրինակներ՝ կնիքով կամ դրոշմակնիքով կամ ֆիրմային ձևաթղթի վրա (հակառակ դեպքում՝ բժշկական ծախսերի ժամանակ, պետք է ներկայացվեն ախտորոշումը, բուժող բժշկի անունը, ազգանունը և հեռախոսահամարը, ինչպես նաև այն բժշկական հաստատության հասցեն և հեռախոսահամարը, որտեղ Ապահովագրված անձը ստացել է Ապահովագրական պատահարի հետևանքով առաջացած վնասվածքի և (կամ) հիվանդության համար բուժումը):
- 11.4. Ապահովադիրը պարտավոր է Ապահովագրողի պահանջով տրամադրել նաև այնպիսի փաստաթղթեր և տեղեկատվություն, որոնք ուղղակի կապ ունեն տեղի ունեցած պատահարի հետ կամ կարևոր են վնասի պատճառների և (կամ) չափի հիմնավորման համար:
- 11.5. Այն դեպքում, երբ Ապահովադիրը (Ապահովագրված անձը) ստացած բժշկական ծառայությունների համար անձամբ է կատարել վճարումներ, ապա ներկայացրել հատուցման պահանջ,

- Ապահովագրողի կողմից հատուցումն իրականացվում է տվյալ ծառայության շուկայական միջինացված արժեքի չափով:
- 11.6. Ապահովադիրը (Ապահովագրված անձը) կրում է իր կողմից Ապահովագրողին ներկայացված փաստաթղթերի (ներառյալ՝ պատճենների) իսկության, հավաստիության և ոչ կեղծ լինելու բոլոր իրավական հետևանքների ռիսկերը:
  - 11.7. Եթե հատուցման իրականացման համար անհրաժեշտ են լրացուցիչ տեղեկություններ, ապա Ապահովագրողն իրավունք ունի Ապահովագրված անձից պահանջել լրացուցիչ տեղեկատվություն:
  - 11.8. Սույն Պայմաններով սահմանված ժամկետում Ապահովադիրի (Ապահովագրված անձի) կողմից Պայմաններով անհրաժեշտ փաստաթղթերը չներկայացնելու կամ սահմանված 3 (երեք) ամիս ժամկետը երկարաձգելու մասին գրավոր որևէ միջնորդություն չներկայացնելու դեպքում, Ապահովագրողը Պայմանների համաձայն Ապահովադիրի կողմից ստանձնած պարտավորությունները չկատարելու կամ ոչ պատշաճ կատարելու հիմքով մերժում է ապահովագրական հատուցման վճարումը:
  - 11.9. Այն դեպքում, երբ Ապահովադիրը (Ապահովագրված անձը) գրավոր միջնորդություն է ներկայացնում փաստաթղթերի ներկայացման խոչընդոտների կամ այլ պատճառաբանությամբ սահմանված ժամկետը երկարացնելու մասին, Ապահովագրողը, էլնելով տվյալ գործի հանգամանքներից, կարող է այդ ժամկետը երկարաձգել ևս 3 (երեք) ամիս ժամկետով կամ մինչև Ապահովագրված անձի երկարատև բուժման ավարտը:
  - 11.10. Ապահովագրողը, Ապահովադիրի (Ապահովագրված անձի) կողմից Ապահովագրական պատահարին առնչվող և սույն Պայմաններով սահմանված բոլոր անհրաժեշտ փաստաթղթերը ստանալուց հետո առավելագույնը 5 (հինգ) աշխատանքային օրվա ընթացքում կազմում է պատճառաբանված որոշում ապահովագրական հատուցում իրականացնելու կամ այն մերժելու վերաբերյալ, իսկ որոշում կազմելուց հետո դա առավելագույնը 3 (երեք) աշխատանքային օրվա ընթացքում առձեռն, էլեկտրոնային տարբերակով կամ փոստային ծառայության միջոցով տրամադրում է Ապահովադիրին (Ապահովագրված անձին):
  - 11.11. Ապահովագրական հատուցում իրականացնելու մասին որոշում կայացնելու օրվանից հետո 5 (հինգ) աշխատանքային օրվա ընթացքում Ապահովագրողը վճարում է ապահովագրական հատուցում:
  - 11.12. Ապահովագրական հատուցումն Ապահովագրված անձի կողմից մատնանշած արտարժույթային հաշվին իրականացնելիս՝ հաշվարկը կատարվում է Ապահովագրական պատահարի տեղի ունենալու օրվա դրությամբ ՀՀ կենտրոնական բանկի կողմից սահմանված փոխարժեքով:
  - 11.13. Ապահովագրողն իրավունք ունի մերժել ապահովագրական հատուցումը կամ հետ պահանջել այն, եթե պարզվի, որ Պայմանագրի գործողության ընթացքում Ապահովադիրի կողմից Ապահովագրողին տրամադրվել են ապահովագրական ռիսկի գնահատման վրա ազդող կեղծ տեղեկություններ կամ այն դեպքերում, երբ Ապահովագրված անձի (Ապահովադիրի) կողմից իրականացվել են միտումնավոր գործողություններ, որոնք ուղղված են եղել կամ նպաստել են Ապահովագրական պատահարի տեղի ունենալուն:
  - 11.14. Ապահովադիրը պատահարի հետ կապված յուրաքանչյուր նամակի, պահանջի, հայցի, դատաքննության, հետաքննության կամ ցանկացած գործընթացի վերաբերյալ տեղեկությունները կամ փաստաթղթերը պետք է անմիջապես ներկայացնի Ապահովագրողին:
  - 11.15. Եթե Պայմանների համաձայն ապահովագրական հատուցման պահանջի ժամանակ գոյություն ունի այլ ապահովագրության պայմանագիր/վկայագիր, որով հատուցվում է նույն պատահարի հետևանքով առաջացած վնասվածքը, ապա Ապահովագրողը հատուցում է իրականացնում իր համամասնական բաժնի չափով:
  - 11.16. Ապահովագրական հատուցման չափը չի կարող էականորեն տարբերվել ՀՀ-ում և ԼՂՀ-ում մատուցվող տվյալ բժշկական ծառայության միջին գներից:

## **ԲԱԺԻՆ 12. ՊԱՅՄԱՆԱԳՐԻ ԴԱԴԱՐԵՑՄԱՆ ԿԱՐԳ**

12.1. Պայմանագիրը վաղաժամկետ դադարում է.

12.1.1. եթե վերացել է Ապահովագրական պատահարի վրա հասնելու հավանականությունը, և ապահովագրական ռիսկի գոյությունը դադարել է Ապահովագրական պատահարից տարբեր այլ հանգամանքների բերումով,

12.1.2. Կողմերի փոխհամաձայնեցմամբ,

12.1.3. եթե Ապահովագրողի կողմից կատարվել են Պայմանագրով նախատեսված բոլոր պարտավորությունները,

12.1.4. եթե Ապահովագրված անձը մահացել է (եթե դեպքը որակվել է որպես Ապահովագրական պատահար, կատարվում է ապահովագրական հատուցում),

12.1.5. ՀՀ օրենսդրությամբ, Պայմաններով կամ Պայմանագրով նախատեսված այլ դեպքերում:

12.2. Պայմանագրի գործողության մեջ մտնելուց հետո Ապահովադրի կողմից Պայմանագրից հրաժարվելու դեպքում Ապահովագրողին վճարված ապահովագրավճարները վերադարձման ենթակա չեն:

12.3. Ապահովադրի կողմից մինչև ապահովագրության ժամկետի գործողության մեջ մտնելը Պայմանագրից հրաժարվելու դեպքում Ապահովագրողին վճարված ապահովագրավճարները ենթակա են վերադարձման վճարված ապահովագրավճարի 60 (վաթսուն) %-ի չափով:

12.4. Ապահովադրի ցանկությամբ Պայմանագրի դադարեցման դեպքում Ապահովադիրը (Ապահովագրված անձը) պարտավոր է Ապահովագրողին վերադարձնել Պայմանագրի բնօրինակը, հակառակ դեպքում Ապահովագրողին վճարված Ապահովագրավճարները վերադարձման ենթակա չեն:

12.5. Պայմանագիրն առաջին չ կամ անվավեր է համարվում ՀՀ օրենսդրությամբ, Պայմաններով կամ Պայմանագրով նախատեսված դեպքերում և կարգով:

## **ԲԱԺԻՆ 13. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)**

13.1. Սույն Պայմաններով և Պայմանագրով սահմանված պարտավորությունները մասնակի կամ լրիվ չկատարելու դեպքում Պայմանագրի կողմերն ազատվում են պատասխանատվությունից, եթե այն հետևանք է անհաղթահարելի ուժի, մասնավորապես՝ ջրհեղեղի, պայթյունի, հրդեհի, երկրաշարժի, այլ տարերային աղետների, պատերազմի, ռազմական գործողությունների, զինված հարձակման, զանգվածային անկարգությունների, ժողովրդական հուզումների, սհաբեկչության, գործադուլների, արտակարգ դրության, տնտեսական շրջափակման, հաղորդակցման միջոցների աշխատանքի դադարեցման, կառավարության կողմից սահմանված այլ սահմանափակումների և արգելանքների կամ նման այլ իրադարձությունների:

13.2. Եթե անհաղթահարելի ուժի ազդեցությունը կամ դրա հետևանքները երկարաձգվում են 3 (երեք) ամսից ավելի, ապա Կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղեկացնելով Պայմանագրի մյուս կողմին:

13.3. Անհաղթահարելի ուժի ազդեցությունը սույն Պայմաններով և Պայմանագրով սահմանված պարտականությունների իրականացման վրա պարտավոր է ապացուցել Պայմանագրի այն կողմը, որի պարտականությունների իրականացմանն է խոչընդոտում նման ազդեցությունը:

## **ԲԱԺԻՆ 14. ՎԵՃԵՐԻ ԼՈՒԾՄԱՆ ԿԱՐԳ**

14.1. Պայմանագրի գործողության ընթացքում առաջացող բոլոր վեճերը լուծվում են Պայմանագրի կողմերի միջև անմիջական բանակցությունների միջոցով: Բանակցությունների միջոցով համաձայնություն ձեռք չբերելու դեպքում վեճերը կարող են լուծվել ՀՀ-ում գործող Ֆինանսական համակարգի հաշտարարին դիմելու միջոցով կամ դատական կարգով՝ ՀՀ օրենսդրությանը համաձայն:

14.2. Վեճերի առաջացման դեպքում Պայմաններով չկարգավորված հարցերը կարգավորվում են ՀՀ օրենսդրությամբ սահմանված կարգով: